

ՏԱՐԵԿԱՆ ԾՐԱԳԻՐ

ՖԻԶԻԿԱԿԱՆ ԿՈՒՆՏՐՈՒԱՅԻ ԵՎ ՍՊՈՐՏԻ ԶԱՐԳԱՑՄԱՆ 2013 ԹՎԱԿԱՆԻ

1. ՆԵՐԱԾՈՒԹՅՈՒՆ

Ֆիզիկական կուլտուրան և սպորտը հայ ժողովրդի մշակույթի անբաժանելի մասն են: Սոցիալական գործոնների ընդհանուր համակարգում դրանք հասարակության կողմից օգտագործվում են մարդու հոգևոր և ֆիզիկական բազմակողմանի զարգացման, առողջության ամրապնդման, հիվանդությունների կանխարգելման, առողջ ապրելակերպի ձևավորման, բնակչության ակտիվ հանգստի կազմակերպման գործընթացում:

Սոցիալ-տնտեսական իրավիճակով պայմանավորված բնակչության շրջանում նկատվում է ֆիզիկական զարգացման և պատրաստականության, կյանքի տևողության ցուցանիշների անկում: Դրան զուգահեռ ավելանում են հիվանդությունների, հաշմանդամության ցուցանիշները: Նշվածը վկայում է, որ առկա են համալիր հիմնախնդիրներ, որոնց շարքում նաև՝ լուծման կարիք ունեցող ֆիզիկական կուլտուրայի և սպորտի խնդիրները:

Արդյունավետ չի գործում ըստ բնակչության վայրի իրականացվող ֆիզկուլտուրային-առողջարարական ավանդական համակարգը, կրճատվել են ֆիզիկական կուլտուրայի և սպորտի զարգացման համար նախատեսվող ֆինանսական միջոցների ծավալները, նվազել է ոլորտի մասնագետների թիվը: Լուրջ խնդիրներ են առաջացել մարզական կառույցների շինարարության, շահագործման և վերանորոգման գործընթացում:

Ծրագրում նախանշված են հիմնական գերակայությունները, կոնկրետ միջոցառումներն ու դրանց կատարման ժամկետները, իրագործման ուղիներն ու ակնկալվող արդյունքները, ֆինանսավորման աղբյուրն ու չափը:

2. ՀԻՄՆԱԿԱՆ ԴՐՈՒՅԹՆԵՐ

1. Ֆիզիկական կուլտուրան և սպորտը յուրատեսակ միջոց են առողջության պահպանման և ամրապնդման համար, որոնք խթանում են համընդհանուր մարդկային արժեքների համակարգի ձևավորման և անհատի բարոյա-կամային որակների զարգացումը: Նշվածը իրականացնելու համար անհրաժեշտ է համակցված միջոցառումների համակարգ, որը պայմաններ կստեղծի մարդկանց մեջ ֆիզիկական կուլտուրայի արմատավորման և բնակչության առողջության մակարդակի բարձրացման համար:

2. Ծրագիրը նախատեսված է ֆիզիկական կուլտուրայի և սպորտի բնագավառում պետական քաղաքականության իրականացման համար:

3. ԾՐԱԳՐԻ ԳԵՐԱԿԱՅՈՒԹՅՈՒՆՆԵՐԸ

3. Բնակչության ֆիզիկական զարգացումը և ֆիզիկական պատրաստականությունը, որոնք ներառում են դպրոցականների, սովորողների, զինծառայողների ֆիզիկական պատրաստականությունը, ըստ բնակչության վայրի ֆիզիկական կուլտուրայի և սպորտի զարգացումը, հաշմանդամների ֆիզիկական և հոգևոր վերականգնումը:

4. Սպորտի զարգացումը, որը ներառում է մանկապատանեկան սպորտը և մարզական հերթափոխի պատրաստումը, ինչպես նաև ազգային ավանդական մարզաձևերի զարգացումը և տարածումը, այդ թվում նաև հաշմանդամային սպորտը:

5. Բարձրագույն նվաճումների սպորտը: Օլիմպիական գաղափարների տարածումը: Դուպլինգի դեմ պայքարի հսկողության ուժեղացումը:

6. Ֆիզիկական կուլտուրայի և սպորտի նյութատեխնիկական բազայի ցանցի զարգացումն ու ամրապնդումը, ինչպես նաև բուժսպասարկման կատարելագործումը:

4. ՆՊԱՏԱԿԸ ԵՎ ԽՆԴԻՐՆԵՐԸ

7. Ծրագրի նպատակը սոցիալ-տնտեսական նոր պայմաններում Հայաստանի Հանրապետության Սահմանադրության, «Ֆիզիկական կուլտուրայի և սպորտի մասին», «Մանկապատանեկան սպորտի մասին» Հայաստանի Հանրապետության օրենքների հիմնադրույթների համաձայն հանրապետությունում ֆիզիկական կուլտուրայի և սպորտի զարգացումը և նրա արդյունավետ գործունեության համար պայմանների ստեղծումն է 2013 թվականի ընթացքում:

8. Ծրագրի խնդիրներն են՝

1) ֆիզիկական կուլտուրայի և սպորտի զարգացման սոցիալական առաջնայնության ապահովման համար իրավական և տնտեսական մեխանիզմի մշակումն ու իրագործումը.

2) բնակչության ֆիզիկական դաստիարակության համակարգի արդյունավետ գործունեության բարձրացման և զարգացման համար պայմանների ստեղծումը.

3) բնակչության առողջացման, ֆիզիկական զարգացման և ֆիզիկական պատրաստականության մակարդակի բարձրացումը.

4) օլիմպիական և պարաօլիմպիկ խաղերին, աշխարհի և Եվրոպայի առաջնություններին և այլ խոշոր միջազգային մրցաշարերին մասնակցելու համար մարզիկների և մարզաձևերի ազգային հավաքական թիմերի արդյունավետ նախապատրաստման ապահովումը.

5) կադրերի պատրաստման համակարգի կատարելագործումը և ֆիզիկական կուլտուրայի ու սպորտի նյութատեխնիկական բազայի զարգացումը.

6) ֆիզիկական կուլտուրայի և սպորտի բնագավառում միջազգային կապերի ընդլայնումը.

7) ոլորտի գործունեության և զարգացման կառավարման համակարգի կատարելագործումը:

5. ԱԿՆԿԱԼՎՈՂ ԱՐԴՅՈՒՆՔՆԵՐԸ

9. Ակնկալվող արդյունքներն են՝

1) ֆիզիկական կուլտուրայի և սպորտի նկատմամբ բնակչության վերաբերմունքի ձևավորումը,

2) բնակչության առողջության ամրապնդումը, անհատի ներդաշնակ զարգացումը, աշխատունակության բարձրացումը և երկարակեցության ապահովումը,

3) բարձրակարգ մարզիկների պատրաստումը, միջազգային մրցասպարեզներում Հայաստանի Հանրապետության հավաքական թիմերի և մարզիկների մասնակցության

ապահովումը, ինչպես նաև օլիմպիական և պարաօլիմպիկ խաղերում, աշխարհի և Եվրոպայի առաջնություններում հայ մարզիկների կողմից բարձր նվաճումների հասնելը,

4) հայրենիքի պաշտպանությանը պատրաստ երիտասարդության ֆիզիկական պատրաստականության ապահովումը:

10. Ծրագիրը նախատեսում է ֆիզիկական կուլտուրայի և սպորտի զարգացման միջոցառումների ու գործունեության հիմնական ուղիները:

6. ՖԻՆԱՆՍԱՎՈՐՄԱՆ ԱՂՔՅՈՒՐՆԵՐԸ

11. Ֆինանսավորման հիմնական աղբյուրը Հայաստանի Հանրապետության պետական բյուջեն է:

7. ԻՐԱԿԱՆԱՑՎՈՂ ԾՐԱԳՐԵՐԸ

12. 2013 թվականին իրականացվող միջոցառումներն են՝

N	Ծրագրի և միջոցառման անվանումը	Նպատակը և ակնկալվող արդյունքը	Հիմնախնդիրները	Ժամկետը	Ֆինանսավորման չափը	Ֆինանսավորման աղբյուրը
1.	<p>«ՀՀ մարզերում և ԼՂՀ-ում հանրապետական մարզական փառատրոնի անցկացում». ՀՀ մարզերում և ԼՂՀ-ում ֆիզիկական ակտիվության և առողջության օրերի անցկացում:</p>	<p>Աշխատունակության բարձրացում, հնարավորությունների ընձեռում՝ մասնակցելու մարդու ֆիզիկական վիճակի և մարզական արդյունքների բարելավմանը:</p>	<p>Անհատի ներդաշնակ զարգացում:</p>	<p>3-րդ եռամսյակ</p>	<p>6960.0</p>	<p>ՀՀ պետական բյուջե</p>
2.	<p>««Լավագույն մարզական ընտանիք» մրցույթի անցկացում». ՀՀ Նախագահի մրցանակի համար «Լավագույն մարզական ընտանիք» մրցույթի անցկացում:</p>	<p>Բնակչության ազատ ժամանցի և ակտիվ հանգստի կազմակերպում, ֆիզիկական կուլտուրայի և սպորտի միջոցով ընտանեկան կապերի ամրապնդում և առողջ կենսակերպի արմատավորում, անհատի բազմակողմանի ու ներդաշնակ զարգացման, բնակչության առողջության ամրապնդման, առողջ ապրելակերպի ձևավորման գործում ֆիզիկական կուլտուրայի և սպորտի դերի բարձրացում:</p>	<p>Ըստ բնակության վայրի ֆիզկուլտուրային-առողջարարական և զանգվածային մարզական աշխատանքների բարելավում:</p>	<p>2-րդ և 3-րդ եռամսյակ</p>	<p>155840.8</p>	<p>ՀՀ պետական բյուջե</p>
3	<p>«Մանկապարտնեկան սպորտի մասսայականացման միջոցառումների իրականացում». Մանկապատանեկան սպորտի մասսայականացում:</p>	<p>Ծրագիրը հասարակության զարգացումն իրականացնում է՝ ներկայացնելով մանկապատանեկան սպորտի գաղափարը և ընդգրկելով բոլոր էթնիկ, սոցիալական և սեռային</p>	<p>Առողջ ապրելակերպի արմատավորում դպրոցահասակ երեխաների շրջանում, նրանց լայնորեն ընդգրկում</p>	<p>3-րդ եռամսյակ</p>	<p>8000.0</p>	<p>ՀՀ պետական բյուջե</p>

		<p>խմբերին: Ծրագիրը նախատեսված է տարբեր մակարդակների համար՝ անհատական, համայնքային, պետական և տարածաշրջանային, ինչը ենթադրում է մասսայական սպորտի, մարզաձևերի խմբերում մանկապատանեկան սպորտի մասսայական միջոցառումների անցկացում հանրապետության տարբեր տարածաշրջաններում և համայնքներում:</p> <p>Միջոցառումներում ներգրավված դպրոցականների և դպրոցների թվաքանակի աճ: Ֆիզիկական վարժություններով մշտապես զբաղվելու, առողջ ապրելակերպի գաղափարի զարգացում և տարածում, սեռային հավասարության խթանում, մարմնակրթական հետազա գործունեության զարգացում և իրագործում:</p>	<p>Ֆիզկուլտուրայի և սպորտի աշխատանքներում:</p>			
4	<p>«Եվրախորհրդի սպորտի մասին համաձայնագրին անդամակցում».</p> <p>Եվրախորհրդի սպորտի մասին ընդլայնված մասնակի համաձայնագրին</p>	<p>ՀՀ սպորտի և երիտասարդության հարցերի նախարարության միջոցով իրականացվող ծրագրերով նախատեսված արդյունքների</p>	<p>Ինտեգրում եվրոպական պետությունների ընտանիքին:</p>	1-ին եռամսյակ	3394.5	ՀՀ պետական բյուջե

	անդամակցելու անդամավճար:	ապահովմանը նպաստում:				
5	<p>«Հաշմանդամային սպորտին առնչվող ծառայություններ».</p> <p>Պետական աջակցություն հաշմանդամային սպորտով զբաղվող մարզական կազմակերպություններին՝ «ՀՀ ազգային պարաօլիմպիկ կոմիտե» ՀԿ, «Հայաստանի կույրերի կոմիտե» ՀԿ, «Խուլերի հայկական սպորտային կոմիտե» ՀԿ, «Հայկական հատուկ օլիմպիականներ» ՀԿ:</p>	<p>Հաշմանդամների տարբեր խմբերի շրջանում ֆիզկուլտուրային-առողջարարական աշխատանքների համադասում, առողջության ամրապնդում, նախորդ տարիների համեմատությամբ մարզական ցուցանիշների աճ, հաշմանդամների միջազգային կազմակերպությունների կողմից անցկացվող աշխարհի, Եվրոպայի առաջնություններում գրաված տեղերի և վաստակած մեդալների աճ:</p>	<p>Հաշմանդամների ինտեգրում հասարակությանը:</p>	<p>1-ին, 2-րդ և 3-րդ եռամսյակ</p>	<p>9000.0</p>	<p>ՀՀ պետական բյուջե</p>
6	<p>«ՀՀ առաջնություններին և միջազգային միջոցառումներին մասնակցության ապահովման համար մարզիկների նախապատրաստում և առաջնությունների անցկացում».</p> <p>Մարզաձևերի զարգացման նպատակով պետական աջակցություն ՀՀ մարզական ֆեդերացիաներին:</p>	<p>ՀՀ առաջնությունների անցկացման ապահովում: Համաշխարհային պատանեկան օլիմպիական խաղերին, աշխարհի և Եվրոպայի առաջնություններին ու վարկանիշային միջազգային մրցաշարերին լավագույն ձևով նախապատրաստվելու նպատակով ուսումնամարզական հավաքների կազմակերպում: Աշխարհի և Եվրոպայի առաջնություններում</p>	<p>Նշված ծրագրի իրականացումը կնպաստի օլիմպիական խաղերում, աշխարհի և Եվրոպայի առաջնություններում մրցանակային տեղեր գրավելուն և Հայաստանի մարզական միջազգային հեղինակության բարձրացմանը:</p>	<p>Տարվա ընթացքում</p>	<p>929967.2</p>	<p>ՀՀ պետական բյուջե</p>

		մրցանակային տեղեր գրավելով՝ ՀՀ մարզական հեղինակության բարձրացման ապահովում: ՀՀ առաջնությունների քանակի ավելացում, օլիմպիական խաղերին, աշխարհի և Եվրոպայի առաջնություններին, վարկանիշային միջազգային մրցաշարերին լավագույն ձևով մասնակցելու նպատակով ուսումնամարզական հավաքների քանակի ավելացում, միջազգային տարբեր պաշտոնական և ոչ պաշտոնական մրցաշարերին մասնակցության ավելացում:				
7	<p>«Միջազգային մարզական միջոցառումների հաղթողների և մրցանակակիրների դրամական մրցանակների հանձնում».</p> <p>Օլիմպիական խաղերում, աշխարհի, Եվրոպայի առաջնություններում և համալիր միջազգային մրցաշարերում հաղթողների և մրցանակակիրների դրամական պարգևների վճարում:</p>	Օլիմպիական խաղերում, աշխարհի, Եվրոպայի առաջնություններում և համալիր միջազգային մրցաշարերում հաղթողների և մրցանակակիրների սոցիալական պայմանների բարելավում: Մարզիկների մարզական արդյունքների և սոցիալական պայմանների բարելավում:	Ծրագրի իրականացումը կնպաստի միջազգային մրցումներին մասնակցության արդյունքների բարելավմանը:	Դեկտեմբեր	50000.0	ՀՀ պետական բյուջե

8	<p>«ՀՀ հավաքական թիմերին մարզահագուստով և մարզահանդերձանքով ապահովում».</p> <p>ՀՀ հավաքական թիմերին մարզահագուստով և մարզահանդերձանքով ապահովում:</p>	<p>Նոր, ժամանակակից մարզահագուստով և մարզահանդերձանքով ապահովում մարզման գործընթացի և արդյունավետության բարձրացում, որն էլ կնպաստի մրցումների ժամանակ լավագույն մարզական արդյունքներ ցուցաբերելուն:</p>	<p>Ծրագրի իրականացումը կնպաստի հանրապետության հավաքական թիմերի մարզահագուստով և մարզահանդերձանքով ապահովելուն:</p>	<p>1-ին եռամսյակ</p>	<p>52990.0</p>	<p>ՀՀ պետական բյուջե</p>
9	<p>«Հավաքական թիմերի ավագ մարզիչների վարձատրության և աշխարհի չեմպիոններին թոշակի հարկացում».</p> <p>ՀՀ հավաքական թիմերի ավագ մարզիչների վարձատրության և աշխարհի 17 չեմպիոնների թոշակի հատկացման նպատակով պետական աջակցության ապահովում:</p>	<p>ՀՀ հավաքական թիմերի ավագ մարզիչների և աշխարհի 17 չեմպիոնների սոցիալական պայմանների բարելավում: Մարզիկների մարզական արդյունքների և սոցիալական պայմանների բարելավում:</p>	<p>Ծրագրի իրականացումը կնպաստի ՀՀ հավաքական թիմերի սոցիալական պայմանների բարելավմանը:</p>	<p>Տարվա ընթացքում</p>	<p>25980.5</p>	<p>ՀՀ պետական բյուջե</p>
10	<p>«Օլիմպիական խաղերում, աշխարհի և Եվրոպայի առաջնություններում, բարձր արդյունքների հասած ՀՀ հավաքական թիմերի մարզիկներին և նրանց մարզիչներին ՀՀ Նախագահի անվանական թոշակի հարկացում».</p> <p>Օլիմպիական խաղերին, աշխարհի, Եվրոպայի</p>	<p>Օլիմպիական խաղերում, աշխարհի, Եվրոպայի առաջնություններում, միջազգային մրցումներում մրցանակային տեղերի նվաճում, անձնական արդյունքների բարելավում: Օլիմպիական խաղերի մասնակցության համար վարկանիշների ձեռքբերում, աշխարհի, Եվրոպայի և ՀՀ</p>	<p>Ծրագրի իրականացումը կնպաստի մարզիչների և մարզիկների սոցիալական պայմանների բարելավմանը:</p>	<p>Տարվա ընթացքում</p>	<p>150000.0</p>	<p>ՀՀ պետական բյուջե</p>

	առաջնություններին, միջազգային մրցումներին (այդ թվում՝ վարկանիշային) ՀՀ հավաքական թիմերի կազմում ընդգրկված մրցանակային տեղեր զբաղեցրած մարզիկներին, նրանց անձնական մարզիչներին և հավաքական թիմերի մարզիչներին յուրաքանչյուր ամիս ՀՀ Նախագահի անվանական թոշակի հատկացում:	ռեկորդների բարելավում:				
11	«Հայաստանի Հանրապետության մանկապարտեզական մարզադպրոցներին, մարզածևերի ազգային ֆեդերացիաներին և այլ մարզական հասարակական կազմակերպություններին գույքով ապահովում». Արտադպրոցական ուսուցման և հավաքական թիմերի ուսումնամարզական գործընթացի բարելավման նպատակով մարզադահլիճներին անհրաժեշտ մարզագույքով ապահովում:	Մարզիկների համար ստեղծել լավագույն պայմաններ ուսումնամարզական հավաքները, ՀՀ առաջնությունները և միջազգային տարբեր մրցումները բարձր մակարդակով անցկացնելու համար: Մարզական բարձր արդյունքների ցուցաբերում:	Ծրագրի իրականացումը կնպաստի Հայաստանի Հանրապետության մարզադահլիճները ժամանակակից մարզագույքով և հանդերձանքով ապահովմանը:	Տարվա ընթացքում	100000.0	ՀՀ պետական բյուջե
12	«Սպորտային բժշկության և հակադոպինգային հսկողության ծառայություններ».	Մարզիկների ուսումնամարզական գործընթացի և հակադոպինգային	Ծրագրի իրականացումը կնպաստի մասնագիտական	Տարվա ընթացքում	72715.2	ՀՀ պետական բյուջե

	<p>«Հ հավաքական թիմերի անդամների գիտամեթոդական բժշկական և հակադոպինգային ուսումնասիրությունների ուղղությամբ տարվող աշխատանքների բարելավում:</p>	<p>ուսումնասիրությունների ուղղությամբ տարվող աշխատանքների բարելավում:</p>	<p>խորը գիտական հետազոտություններ անցկացնելուն՝ մարզիկների ֆունկցիոնալ հնարավորությունների հայտնաբերման համար:</p>			
13	<p>«Հակադոպինգային համաշխարհային գործակալությանը անդամակցում». Հակադոպինգային համաշխարհային գործակալությանը անդամակցելու անդամավճարի մուծում:</p>	<p>ՀՀ սպորտի և երիտասարդության հարցերի նախարարության միջոցով իրականացվող ծրագրերով նախատեսված արդյունքների ապահովմանը նպաստում:</p>	<p>Դոպինգի դեմ պայքարի հսկողության ուժեղացում:</p>	<p>1-ին եռամսյակ</p>	<p>3076.4</p>	<p>ՀՀ պետական բյուջե</p>
14	<p>«Նախազորակոչային և զորակոչային տարիքի երիտասարդության հանրապետական ռազմամարզական խաղերի անցկացում». Նախազորակոչային և զորակոչային տարիքի երիտասարդության հանրապետական ռազմամարզական խաղերի անցկացում:</p>	<p>Նախազորակոչային և զորակոչային տարիքի երիտասարդների կենցաղում ֆիզկուլտուրայի և սպորտի ներդրում, Հայաստանի Հանրապետության ազգային բանակում ծառայելու համար ֆիզիկապես կոփված երիտասարդների դաստիարակում, նրանց ֆիզիկական ունակությունների մոնիտորինգի անցկացում: Ծրագրում ընդգրկված է 7 մարզաձև: Մասնակից թիմերի, նախազորակոչային</p>		<p>4-րդ եռամսյակ</p>	<p>7000.0</p>	<p>ՀՀ պետական բյուջե</p>

		և գորակոչային տարիքի երիտասարդների թվաքանակի և նրանց ֆիզիկական պատրաստականության աճ:				
15	<p>Եվրոպայի երիտասարդության օլիմպիական փառատոներին մասնակցության ապահովում.</p> <p>Եվրոպայի երիտասարդության ձմեռային և ամառային օլիմպիական փառատոներին մասնակցություն:</p>	<p>Հայաստանի մարզիկների մասնակցության ապահովումը 2013 թվականի Եվրոպայի երիտասարդության առաջնությանը Ռումինիայում ձմեռային և Նիդեռլանդներում՝ ամառային օլիմպիական փառատոներին, երիտասարդ խոստումնալից մարզիկների բացահայտում, օլիմպիական գաղափարների տարածում, մրցակցական փորձի ձեռքբերում:</p> <p>Եվրոպայի, աշխարհի առաջնություններին մասնակից Հայաստանի Հանրապետության հավաքական թիմերի համալրում:</p>	<p>2014 թվականին Սոչիում կայանալիք ձմեռային և 2016 թվականին Ռիո դե Ժանեյրոյում կայանալիք ամառային օլիմպիական խաղերին մասնակցող Հայաստանի հավաքական թիմերի համալրում բարձրակարգ խոստումնալից մարզիկներով:</p>	1-ին և 3-րդ եռամսյակ	64809.6	ՀՀ պետական բյուջե
16	<p>Ֆրանկաֆոնիայի 8-րդ միջազգային խաղերին մասնակցության ապահովում.</p> <p>Ֆրանկաֆոնիայի 8-րդ միջազգային խաղերին մասնակցություն:</p>	<p>Տարածաշրջանում մարզական կապերի ստեղծում, երիտասարդների մարզական փորձի ձեռքբերում, խոշոր միջազգային մրցումների համար մարզական</p>	<p>Աթլետիկա, սեղանի թենիս, ծյուղո, բասկետբոլ, բռնցքամարտ, լող, սուսերամարտ մարզաձևերից մրցանակային տեղեր</p>	3-րդ եռամսյակ	44435.5	ՀՀ պետական բյուջե

		վարպետության բարձրացում: Ֆրանկաֆոնյան մարզական խաղերի ծրագրի մարզաձևերից 70 մարզիկների մասնակցություն: Մրցումների արդյունքների հիման վրա հավաքական թիմերի անդամների համալրում:	և ՀՀ ռեկորդներ:			
17	Բուլղարիայում կայանալիք խուլերի ամառային օլիմպիադային մասնակցության ապահովում. Բուլղարիայում կայանալիք խուլերի ամառային օլիմպիադային մասնակցություն:	Ծրագրի նպատակը Բուլղարիայում կայանալիք խուլերի ամառային օլիմպիադային (սուրդլիմպիկ խաղեր) խուլ մարզիկների մասնակցությանն աջակցումն է:	Հաշմանդամային սպորտի հետագա զարգացում և մասսայականացում, հաշմանդամների ինքնադրսևորմանը և հասարակությանը լիարժեք ինտեգրվելու գործընթացին նպաստելը:	3-րդ եռամսյակ	7942.2	ՀՀ պետական բյուջե
18	Երևանում կայանալիք միջազգային մարաթոնյան վազքի անցկացման ապահովում. Երևանում կայանալիք միջազգային մարաթոնյան վազքի անցկացման ապահովում:	Հայաստանում մարաթոնյան վազքի զարգացման խթանում, մրցանակային տեղեր գրավելու միջոցով Հայաստանի մարզական հեղինակության բարձրացում: 15 երկրների 250-ից ավելի մարզիկների մասնակցություն, այլ պետությունների մարզիկների	Հեռանկարային մարզիկների բացահայտում, ՀՀ հավաքական թիմի համալրում: Մարաթոնյան վազքի նկատմամբ հետաքրքրություններ ի առաջացում, մարզաձևի դերի	4-րդ եռամսյակ	21300.3	ՀՀ պետական բյուջե

		հետ բարեկամական կապերի ամրապնդում: Միջազգային մրցակցական փորձի ծեռքբերում, սպորտային վարպետության բարձրացում:	բարձրացում, մրցմանը հնարավորինս շատ մասնակիցների ընդգրկում, հաղթող մարզիկներին մրցանակների բաշխում: Եվրոպայի և աշխարհի առաջնություններում Հայաստանի մարզիկների միջոցով մեդալների նվաճում:			
--	--	---	---	--	--	--

